



龍

藏

大乘論

普爲出資及讀誦受持
 輾轉流通者回向偈曰
 願此功德 回向有情
 消除業障 增崇福祉
 家門清吉 身心安寧
 生入聖域 沒往西方
 先亡祖妣 歷劫怨親
 俱蒙佛慈 獲本妙心
 兵戈永息 禮讓興行
 人民安樂 世界和平
 四恩總報 三有齊資
 法界眾生 同證菩提

This book is for free distribution. It is not for sale. Printed in Taiwan.

公元二〇〇七年八月出版 恭印貳仟套

乾隆大藏經

景印重編
句讀版本

倡印者：淨空法師

印贈者：香港佛陀教育協會

出版者：財團法人桃園縣至善教育事務基金會

地址：桃園縣中壢市過嶺里16之38號

電話：(〇三)四二〇—七八〇九

傳真：(〇三)四二〇—七八一三

淨空法師
影印網址：
<http://www.budaedu.org.hk>

<http://www.amb-aus.org>

<http://www.chinkung.org>

E-mail：
ambhk1@budaedu.org.hk

purelandcollege@inet.net.au

承印者：世樺國際股份有限公司 (〇二)二二四六九九二八

ISBN 978-986-83622-0-8

御製

佛光恩照三千大千
恒沙法界普度衆生
身心安泰年時豐稔
日月升恒乾坤清寧
上下樂利中外協和
萬善圓成情與無情
大清雍正十三年四月初八日
隨緣徧滿
悉證菩提
風雨調順
百昌蕃熾
庶物咸亨
同登正覺

第六十四冊目次

大乘論

二二八七十地經論十二卷

天親菩薩造 元魏菩提留支譯

卷第一、卷第二

一、二二二

十地經論序

崔光撰

一、二

(一) 初歡喜地(卷一、二、三)

三、六五

(二) 離垢地(卷四)

六六、八七

(三) 明地(卷五)

八八、一〇五

(四) 燄地(卷六)

一〇六、一一六

(五) 難勝地(卷七)

一一七、一三〇

(六) 現前地(卷八)

一三一、一四七

(七) 遠行地(卷九)

一四八、一六二

(八) 不動地(卷一〇)

一六三、一八三

(九) 善慧地(卷一一)

一八四、二〇四

(十) 法雲地(卷一二)

二〇五、二二二

二二八佛地經論七卷

唐玄奘譯

二三三、三四一

二二八九三具足經優波提舍一卷

元魏毗目智仙等譯

三四二、三五九

三具足經優波提舍翻譯記

三四二

一一九〇成唯識論十卷

唐玄奘譯

三六〇 五二六

成唯識論後序

吳興沈玄明撰

五二四 五二六

一一九一廣百論釋論十卷

唐玄奘譯

卷第一 卷第一〇

(一) 破常品 (卷一 二)

五二七 五四八

(二) 破我品 (卷二 三)

五四八 五七六

(三) 破時品 (卷四 五)

五七七 六一〇

(四) 破見品 (卷六)

六一一 六二九

(五) 破根境品 (卷七)

六三〇 六五二

(六) 破邊執品 (卷八)

六五三 六七一

(七) 破有為相品 (卷九)

六七二 六九〇

(八) 教誡弟子品 (卷十)

六九一 七一二

一二九二大乘阿毗達磨集論七卷

無著菩薩造 唐玄奘譯

卷第一 卷第七

七一三 八〇四

本事分

(一) 三法品 (卷一 三)

七一三 七四二

(二) 攝品 (卷三)

七四二 七四三

(三)相應品(卷三).....七四三、七四四

(四)成就品(卷三).....七四四、七四五

決擇分

(一)諦品(卷三、五).....七四五、七八〇

(二)法品(卷六).....七八一、七八六

(三)得品(卷六、七).....七八六、八〇〇

(四)論議品(卷七).....八〇〇、八〇四

一一九三王法正理論一卷.....唐玄奘譯.....八〇五、八一九

一二九四瑜伽師地論釋一卷.....唐玄奘譯.....八二〇、八三四

一二九五顯揚聖教論頌一卷.....唐玄奘譯.....八三五、八四七

(一)攝事品.....八三五、八三六

(二)攝淨義品.....八三六、八三七

(三)成善巧品.....八三七、八三八

(四)成無常品.....八三八、八三九

(五)成苦品.....八三九、八四〇

(六)成空品.....八四〇、八四一

(七)成無性品.....八四一、八四二

(八)成現觀品.....八四二、八四四

(九) 成瑜伽品	八四四
(十) 成不思議品	八四四
(十一) 攝勝決擇品	八四四
一九六 彌勒菩薩所問經論七卷	八四八
一九七 無量壽經優波提舍一卷	九六六
一九八 轉法輪經優波提舍一卷	九七三
轉法輪經優波提舍翻譯記	九七三
一九九 大般涅槃經論一卷	九八三
二〇〇 涅槃經本有今無偈論一卷	九九三
二〇一 能斷金剛般若波羅蜜多經論頌一卷	九九九
二〇二 遺教經論一卷	一〇〇三
元魏菩提留支譯	九六五
元魏菩提留支譯	九六六
元魏毗目智仙等譯	九八二
元魏達摩菩提譯	九九二
陳真諦譯	九九八
唐義淨譯	一〇〇二
陳真諦譯	一〇〇七

十地經論序

侍中崔光撰

離一

十地經者。蓋是神覺之玄苑。靈慧之妙宅。億善之基輿。萬度之綱統。理包羣藏之祕。義冠衆典之奧。積漸心行。窮忍學之源。崇廣住德。極道慧之府。所以厚集肇慮。朗成圓種。離怖首念。赫爲雷威。其爲教也。微密精遠。究淨照之宗。融冶瑩練。盡性靈之妙。自寂場啓旭。固林輟暉。雖復聖訓充感。金言滿世。而淵猷沖曠。莫不網羅於其中矣。至于光宣真軌。融暢玄門。如自信仁。終泯空寂。因果既周。化業彌顯。嘿耀大方。影煥八極。豈直日月麗天。洞燭千象。溟壑帶地。混納百川而已哉。旣理富瀛。岳局言靡。測廓明洪。旨是係淵。儒北天竺。大士婆藪。槃豆此云天親。挺高悟於像運。拔英

規於季俗。故能徽蹤馬鳴。繼迹龍樹。每恨此經文約而義豐。言邇而旨遠。乃超然遐慨。邈爾悠想。慕釋迦之餘範。追剛藏之遺軌。誠復歲踰五百。處非六天。人梵垂遠。正像差迥。而妙契寰中。神協靡外。通法貫玄。莫愧往列。遂乃准傍大宗。爰製茲論。發趣精微。根由睿哲。旨奧音殊。宣譯俟賢。固以義囑中興。時憑聖代。大魏皇帝。儁神天凝。玄情漢遠。揚治風於宇縣之外。敷道化於千載之下。每以佛經爲遊心之場。釋典爲栖照之囿。搜隱訪缺。務乎照揚有敎。必申無籍不備。以永平元年歲次玄枵四月上日。命三藏法師北天竺菩提留支。此云道希。中天竺勒那摩提。此云寶意。及傳譯沙門北天竺伏陀扇多。并義學縉儒。一十餘人。在太極紫庭。譯出斯論。十有餘卷。所

二三藏並以邁俗之量。高步道門。羣藏淵部。
罔不斫覽。善會地情。妙盡論旨。皆手執梵文。
口自敷唱。片辭隻說。辯詣蔑遺。于時皇上親
紆玄藻。飛翰輪首。臣僚僧徒。毗贊下風。四年
首夏。翻譯周訖。洋洋疊疊。莫得其門。義富趣
玄。孰云窺測。剛藏妙說。更興於像世天親玄
旨。再光於季運。忝廁末筵。敢竊祇記耳。

十地經論卷第一

天 親 菩 薩 造

元魏三藏法師菩提留支奉 詔譯

初歡喜地第一之一

說此法門者 及諸勸請法 分別義藏人
受持流通等 法門等最勝 頂禮解妙義
欲令法久住 自利利他故
十地法門。初地所攝八分。一序分。二三昧分。
三加分。四起分。五本分。六請分。七說分。八校
量勝分。

如是我聞。一時婆伽婆。成道未久。第二七日。
在他化自在天中。自在天王宮摩尼寶藏殿。
與大菩薩衆俱。一切不退轉。皆一生得阿耨
多羅三藐三菩提。從他方佛世界俱來集會。
此諸菩薩。一切菩薩智慧境界悉得自在。一

切如來智慧境界悉皆得入。勤行不息。善能
教化一切世間。隨時普示一切神通等事。於
剎那中皆能成辦具足。不捨一切菩薩所起
大願。於一切世一切劫一切國土常修一切
諸菩薩行。具足菩薩福德智慧。如意神足而
無窮盡。能爲一切而作饒益。能到一切菩薩
智慧方便彼岸。能令衆生背世間道向涅槃
門。不斷一切菩薩所行。善遊一切菩薩禪定
解脫三昧神通明慧。諸所施爲善能示現。一
切菩薩無作自在。如意神足皆悉已得。於一
念頃能至十方諸佛大會。勸發諮請受持一
切諸佛法輪。常以大心供養諸佛。常能修習
諸大菩薩所行事業。其身普現無量世界。其
音遍聞無所不至。其心通達明見三世。一切
菩薩所有功德具足修習。如是諸菩薩摩訶

薩功德無量無邊於無數劫說不可盡其名
 白金剛藏菩薩寶藏菩薩蓮華藏菩薩勝藏
 菩薩蓮華勝藏菩薩日藏菩薩月藏菩薩淨
 月藏菩薩照一切世間莊嚴藏菩薩智慧普
 照明藏菩薩妙勝藏菩薩梅檀勝藏菩薩華
 勝藏菩薩俱素摩勝藏菩薩優鉢羅華勝藏
 菩薩天勝藏菩薩福德勝藏菩薩無礙清淨
 智藏菩薩功德藏菩薩那羅延德藏菩薩無
 垢藏菩薩離垢藏菩薩種種樂說莊嚴藏菩
 薩大光明網照藏菩薩淨明勝照威德王藏
 菩薩大金山淨光明威德王藏菩薩一切相
 莊嚴淨勝藏菩薩金剛皤勝相莊嚴藏菩
 薩皤熾藏菩薩宿王光照藏菩薩虛空庫無
 礙智藏菩薩無礙妙音遠藏菩薩陀羅尼功
 德持一切世間願藏菩薩海莊嚴藏菩薩須

彌勝藏菩薩淨一切功德藏菩薩如來藏菩
 薩佛勝藏菩薩解脫月菩薩如是等菩薩摩
 訶薩無量無邊阿僧祇不可思議不可稱不
 可量無有分齊不可說不可說種種佛國土
 集金剛藏菩薩而爲上首。

論曰時處等校量顯示勝故此法勝故在於
 初時及勝處說此處宮殿等勝是名處勝何
 故不色界說此處感果故何故不初七日說
 思惟行因緣行故本爲利他成道何故七日
 思惟不說顯示自樂大法樂故何故顯已法
 樂爲令衆生於如來所增長愛敬心故復捨
 如是妙樂悲愍衆生爲說法故何故唯行因
 緣行是因緣行顯示不共法故何故菩薩說
 此法門爲令增長諸菩薩力故何故唯金剛
 藏說一切煩惱難壞此法能破善根堅實猶

如金剛故。不異名說。何故名金剛藏藏。即名堅。其猶樹藏。又如懷孕在藏。是故堅如金剛。如金剛藏。是諸善根。一切餘善根中。其力最上。猶如金剛。亦能生成人天道行。諸餘善根所不能壞。故名金剛藏。已說序分。次說三昧分。

經曰。爾時金剛藏菩薩摩訶薩。承佛威神。入菩薩大乘光明三昧。

論曰。入三昧者。顯示此法非思量境界故。已說三昧分。次說加分。

經曰。爾時金剛藏菩薩。入是菩薩大乘光明三昧。即時十方過十億佛土微塵數等諸佛世界。有十億佛土微塵數諸佛。皆現其身。同名金剛藏。是諸佛如是讚言。善哉善哉。金剛藏乃能入是菩薩大乘光明三昧。復次善男

子。如是十方十億佛土微塵數等諸佛。皆同一號。加汝威神。此是盧舍那佛本願力故。加論曰。何故多佛加顯法及法師。增長恭敬心故。何故同號金剛藏。加本願力故。何故如來作如是願。顯示多佛故。此三昧是法體。本行菩薩時。皆名金剛藏。同說此法。今成正覺。亦名金剛藏。故不異名加。又是菩薩聞諸如來。同已名已。增踊悅故。何故不言過無量世界。方便顯多佛故。何故定言十億佛土。爲說十地故。此經如是多說十數。彼佛先作是願。今復自加。後餘佛加。故言盧舍那佛本願力故。加何故加。爲說此法故。加復云何加。經曰。又一切菩薩不可思議諸佛法明。說今入智慧地故。攝一切善根故。善分別選擇一切佛法故。廣知諸法故。善決定說諸法故。無

分別智清淨不雜故。一切魔法不能染故。出世間法善根清淨故。得不可思議智境界故。乃至得一切智人智境界故。又得菩薩十地始終故。如實說菩薩十地差別方便故。念隨順一切佛法故。觀達分別無漏法故。善擇大智慧光明方便故。令入具足智門故。隨所住處正說無畏辯才明故。得大無礙智地故。憶念不忘菩提心故。教化成就一切衆生界故。得通達分別一切處法故。

論曰。此二十句。依一切菩薩自利利他故加。如是初十句。依自利行。後十句。依利他行。是一切菩薩者。謂住信行地。不可思議諸佛法者。是出世間道品。明者。見智得證。說者。於中分別。入者。信樂得證。智慧地者。謂十地智。如本分中說。此是根本入。如經又一切菩薩

不可思議諸佛法明說。今入智慧地故。此修多羅中說。依根本入有九種入。一者攝入。聞慧中攝一切善根故。如經攝一切善根故。二者思義入。思慧於一切道品中智方便故。如經善分別選擇一切佛法故。三者法相入。彼彼義中無量種種知故。如經廣知諸法故。四者教化入。隨所思義名字具足善說法故。如經善決定說諸法故。五者證入。於一切法平等智見道時中善清淨故。如經無分別智清淨不雜故。菩薩教化衆生即是自成佛法。是故利他亦名自利。六者不放逸入。於修道時中遠離一切煩惱障故。如經一切魔法不能染故。七者地地轉入。出世間道品無貪等善根淨故。如經出世間法善根清淨故。復有善根能爲出世間道品因故。八者菩薩盡入。於

第十地中入一切如來祕密智故。如經得不可思議智境界故。九者佛盡入於一切智入智故。如經乃至得一切智人智境界故。是諸入爲校量智義差別次第轉勝。非根本入一切所說十句中。皆有六種差別相門。此言說解釋應知除事。事者謂陰界入等。六種相者。謂總相別相。同相異相。成相壞相。總相者是根本入。別相者。餘九入。別依止本滿彼本故。同相者。入故。異相者。增相故。成相者。略說故。壞相者。廣說故。如世間成壞。餘一切十句中。隨義類知。第二十句所謂得菩薩十地始終故。此根本始終。是中始者信欲親近等。終者念持諸地。復有阿含及證。如是次第依初相應知依根本始終有十種始終。一者攝始終。思慧智隨所聞義受持說故。如經如實說菩

薩十地差別方便故。二者欲始終令證一切佛法故。如經念隨順一切佛法故。三者行始終。觀分時中無漏道品分別修相覺故。如經觀達分別無漏法故。四者證始終。見道時中法無我智方便故。如經善擇大智慧光明方便故。是中善擇者。擇中最勝。最勝者。法無我智故。大智慧者。過小乘故。光明者。對治無明故。此事中彼時中皆善知故。五者修道始終。出世間智智力得入法義故。如經令入具足智門故。此處菩薩於菩提有五種障。一者不能破諸邪論障。已說正義。他言能壞。復眷屬離散。二者不能答難障。於他問中茫然無對。設有言說。人不信受。三者樂著小乘障。自不能得大菩提。復捨利益衆生。四者化衆生懈怠障。於中捨利他行。不助他善。復自善根不

增長故。五者無方便智障。不能善化衆生。復自菩提行。不滿足故。對治是障有五始終。一者能破邪論障。始終隨彼所著顯已正義。對治邪執。無畏辯才。性不闍故。如經隨所住處。正說無畏辯才。明故。二者能善答難。始終證大無礙智地故。如經得大無礙智地故。三者樂著小乘。對治始終。大菩提願。大菩提念。不忘失故。如經憶念不忘菩提心故。四者化衆生懈怠。對治始終。利益衆生。無疲倦故。如經教化成就一切衆生界故。五者無方便智。對治始終。五明處通達分別故。如經通達分別一切處法故。已說何故加。復云何加。謂口意身加。云何口加。

經曰。復次善男子。汝當辯說此諸法門差別。方便法故。承諸佛神力。如來智明加故。自善

根清淨故。法界淨故。饒益衆生界故。法身智身故。正受一切佛位故。得一切世間最高大身故。過一切世間道故。出世間法道清淨故。得一切智人智滿足故。

論曰。此十句中。辯才者。隨所得法義憶持不忘說故。諸法門者。謂十地法。差別者。種種名相故。此法善巧成。是故名方便。依根本辯才。有二種辯才。一者他力辯才。二者自力辯才。他力辯才者。承佛神力故。云何承佛神力。如來智力不闍加故。如經承諸佛神力。如來智明加故。自力辯才者。有四種。一者有作善法淨辯才。如經自善根清淨故。二者無作法淨辯才。如經法界淨故。三者化衆生淨辯才。如經饒益衆生界故。四者身淨辯才。是身淨中顯三種盡。一者菩薩盡。有二種利益。二者聲

聞辟支佛不同盡。三者佛盡。菩薩盡者。法身離心意識。唯智依止。如經法身智身故。二種利益者。現報利益。受佛位故。後報利益。摩醯首羅智處生故。如經正受一切佛位故。得一切世間最高大身故。二乘不同盡者。度五道復涅槃道淨故。如經過一切世間道故。出世間法道清淨故。佛盡者。入一切智智滿足故。如經得一切智人智滿足故。自力辯才校量轉勝上上故。已說口加。云何意加。經曰。爾時諸佛與金剛藏菩薩真實無畏身。與無障礙樂說辯才。與善淨智差別入。與善憶念不忘加。與善決定意方便。與遍至一切智處。與諸佛不壞力。與如來無所畏不怯弱。與一切智人智無礙分別法正見。與一切如來善分別身口意莊嚴起故。

論曰。此十句意。加無畏身者有二種。一者與無上勝威德身。如王處衆自在無畏。二者與辯才無畏身。前色身勝後名身勝。是名身有九種。一者不著辯才。說法不斷無滯礙故。如經與無障礙樂說辯才故。二者堪辯才。善淨堪智有四種。一者緣。二者法。三者作。四者成。善知此義成不成相故。如經與善淨智差別入故。三者任放辯才。說不待次言辭不斷處。處隨意不忘名義故。如經與善憶念不忘加。故是不忘加意力加故。四者能說辯才。隨所應度種種譬喻能斷疑故。如經與善決定意方便故。五者不雜辯才。三種同相智常現前故。如經與遍至一切智處故。六者教出辯才。得佛十力不壞於可度者。令斷煩惱故。如經與諸佛不壞力故。七者不畏辯才。得佛決定。